



ASSARTUUSSINEQ PILLUGU
ISUMALIOQATIGIISITAQ
TRANSPORTKOMMISSIONEN
Postboks 909
3900 Nuuk
Tel +299 345000
Fax +299 313154
www.transportkommissionen.gl

6. januari 2010

Assartuussineq pillugu Isumalioqatigiisitaliap ataani suleqatigiissitaaqqanut peqataanissamut qaaqquissut

Siunissami Kalaallit Nunaanni assartuineq pillugu ineriartortinneqarnissaanut sunniuteqarnissamut periarfissaqarusuppit? Taamaappat atuarnert ingerlatiinnaruk...

Kalaallit Nunaanni Namminersorlutik Oqartussat Assartuussineq pillugu Isumalioqatigiisitaliamik, siunissami ilaasunik angallassinermik nassiussanillu assartuinnermik ilusilersuinnermik suliaqartussamik pilersitsisimasoq immaq ilisimareerpat.

Assartuussineq pillugu Isumalioqatigiisitaliap aamma suliaqartuup iluani soqutigisaqartut pingaarnert akornanni oqaloqatigiinnerup pitsaasumik ingerlanissaa qulakkeerniarlugu Isumalioqatigiisitaliaq suleqatigiissitaaqqanik arfinilinnik pilersitsiniarpoq – tassalu suliaqartuup ukunani tamaginni suleqatigiissitaaqqamik isumalioqatigiisitaliamik pilersitsisoqassaaq:

- 1) Silaannakkut angallassineq – sullissisut, piginnittut aningaasaliisullu
- 2) Umiarsuarnik angallassineq – sullissisut, piginnittut aningaasaliisullu
- 3) Assartuussineq pillugu pisisartut namminersortut – soorlu suliffeqarfiit tunisassiornermi, niuernermi, takornariaqarnermi, aalisarnermi, piniarnermi aamma aatsitassanik piiarnermi tunisassiortut
- 4) Kommunit, tassunga kommunini ingerlatsiviit sullissiviillu ilaallutik
- 5) Ilaasut – inuit ataasiakkaat aammalu aqqissuussaannerit sulisartunit, sulisitsisunit timersortartunillu il.il. ilaaffigineqartut
- 6) Soqutigisaqartut allat

Matumuuna suleqatigiissitaaqqat taaneqartut ilaannut ataatsimut suleqataanissamut Assartuussineq pillugu Isumalioqatigiisitaliamit qaaqquneqarputit. Suleqatigiissitaaqqamut peqataanikkut suleqatigiissitaaqqami ilaasortat sinnersi suleqatigalugit Isumalioqatigiisitaliamut paasissutissanik pissusiviusunik tunngaveqartunik saqqummiussinissamut, oqaaseqaateqarnissamut, siunnersuuteqarnissamut

isummannillu saqqummiussinissamut periarfissaqassaait.
Eqqarsaatigineqarpoq suleqatigiissitaaqqani ilaasortat Assartuussineq pillugu
Isumalioqatigiisitaliap ukununga siunnersuutissaanut
oqaaseqaateqarnissamut periarfissinneqarnissaat:

- **Takorluukkat** (anguniakkat pingaarnerit), suliassa qarfiup iluani ukiuni tulluittuni 20 – 30-ni ineriartortitsinissamut. Siunnersuutip 2010-mi februaarip aallartinnerani tusarniaassutigineqarnissaa naatsorsuutigineqarpoq, tusarniaanissarluk sapaatit akunnerinik pingasut missaanniittunik sivilissuseqassaaq.
- **Tungavissiat suliniutillu**, attaveqarnermi assartuinnermilu unammilligassanut aqqiissutissatut. Siunnersuutip 2010-mi marsip naanerani tusarniaassutigineqarnissaa naatsorsuutigineqarpoq, tusarniaanissarluk sapaatit akunnerinik pingasut missaanniittunik sivilissuseqassaaq.

Suleqatigiissitaaqqamut suleqataanerup iluaqutissartaatut aqqiissuussaaneerit allat, arlaatigut soqutigisaqatigisinnaasaattut isumaqarfigineqartut suleqatigisinnaavatit. Taamaalillutit suleqatigiissitaaqqami ilaasortat allat suleqatiginissaanut periarfissaqassaait, tassungalu ataatsimoorluni oqaaseqaasiornissaq allatigullu Assartuussineq pillugu Isumalioqatigiisitaliamut tapersiinissaq ilaapput.

Ilassutissatit kalaallisut danskisullu nassiuttassagitit Isumalioqatigiisitaliamit siunnersuutigineqarpoq.

Aamma Namminersorlutik Oqartussani naalakkersuisoqarfiit, aqutsisoqarfiit il.il. tusarniaaffigineqartussaapput, kisiannili suleqatigiissitaaqqanut ilaatitaqartussaannngillat. Tamatumunnga taarsiullugu aqqiissuussaaneerit taakku Assartuussineq pillugu Isumalioqatigiisitaliap allattoqarfianut toqqaannartumik attaveqartartussaapput.

Paasisutissat, najoqqutassat ilisimatitsissutillu, taakkulu assigisaat suleqatigiissitaaqqanit ilaasortaannillu tiguneqartut tiguneqatsiarnerminni Isumalioqatigiisitaliap nittartagaatigut tamanut ammasumik saqqummiunneqartassapput, Isumalioqatigiisitaliamillu atorineqarsinnaassallutik.

Assartuussineq pillugu Isumalioqatigiisitaliap allattoqarfia isumalluuteqarneq eqqarsaatigalugu suleqatigiissitaaqqanut allattoqarfittut ikiuunnissaminut periarfissaqanngilaq. Taamaattumik suleqatigiissitaaqqani ataasiakkaani ilaasortat kajumissaarneqarput, ilaasortat arlaat suleqatigiissitaaqqamut allattoqarfittut atorineqarsinnaanersoq isumaqatigiissutigeqqullugu. Allattoqarfittut sulineq ilaasortat akornanni paarlakaanneqarsinnaavoq.

Assartuussineq pillugu Isumalioqatigiisitaliamit aamma kajumissaarutigineqarpoq, suleqatigiissitaaqqat ataasiakkaat atortut elektroniskiusut atorlugit suleriaasissamik nassaarniaqqullugit, taamaalilluni ilaasortat akornanni attaveqatigiinnerup pilertortumik ingerlasarnissaa qulakkeerineqarsinnaammat. Suleqatigiissitaaqqami allattoqarfimmik pilersitsinissaq naammassineqarsinnaanngitsoq paasineqarpat, suleqatigiissitaaqqami ilaasortat ataasiakkaat allattoqarfimmi suliassanik isumaginnissanerlutik aalajangissavaat.

Suleqatigiissitaaqqami suleqataanissamut nalunaarnermi e-mail-imik
Assartuussineq pillugu Isumalioqatigiisitaliamut nassiussisoqassaaq, e-mail
adressesmut uunga:

info@transportkommissionen.gl

Nalunaarnermi **suleqatigiissitaaqqat** arlaannut peqataarusunnerlutit, kiisalu
illit nammineerlutit e-mail-adresset nalunaarutigissavatit. Aaqqissuussaanermit
ataatsimiit suleqatigiissitaaqqamut ataatsimut ilaasortassamut ataasiinnarmut
inissaqartitsisoqarpoq. Allattoqarfiup aamma suleqatigiissitaaqqani ilaasortat
akornanni attaveqatigiinneq e-mail-ikkut ingerlanneqassaaq.

Siulittaasup aqqa atsiorneralu



Christen Sørensen

Assartuussinermi Isumalioqatigiisitaliamut siulittaasoq